

Ո Ր Ո Շ ՈՒ Մ թիվ- 38
Վարչական տույժ նշանակելու մասին

«02» փետրվարի 2022թ.

ք. Երևան

ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով Սաջադ Մեիրաբի Սաատլուի վերաբերյալ նյութերը.

Պ Ա Ր Զ Ե Ց Ի՝

Ստացված տեղեկությունների հիման վրա՝ մաքսանենգության դեմ պայքարի վարչության աշխատակիցների կողմից իրականացված միջոցառումների արդյունքում պարզվել է, որ 2021 թվականի սեպտեմբերի 13-ին Իրանի Իսլամական Հանրապետությունից <<Կրիստալ>> ՍՊ ընկերության անվամբ թիվ 05100041/130921/0033955 տարանցման հայտարարագրով Հարավային մաքսատուն-վարչության Մեղրիի մաքսային կետ-բաժնով Սաջադ Մեիրաբի Սաատլու կողմից վարվող <<INTERNATIONAL>> մականիշի թիվ 25A649-10/25A650-10 հաշվառման համարանիշի բեռնատարով Հայաստանի Հանրապետություն է ներմուծվել 25820 կգ քաշով նավթային բիտում, սակայն մաքսային հսկողության տակ գտնվող ապրանքներն ու ուղեկցող փաստաթղթերը սահմանված ժամկետում չեն հասցվել նշանակման մաքսային մարմին, և մաքսային մարմնի կողմից բեռնատարի վրա դրված RA171891 համարի մաքսային ապահովության միջոցը հանելով, մաքսային հսկողության ներքո գտնվող 25820 կգ քաշով նավթային բիտումն առանց մաքսային մարմնի թույլտվության 2021 թվականի սեպտեմբերի 22-ին հանձնվել է <<Վիկան>> ՍՊ ընկերությանը ու բեռնաթափվել Տավուշի մարզ, քաղաք Այրում, Գործարարների 1 հասցեում:

Փաստի առթիվ Սաջադ Մեիրաբի Սաատլուի նկատմամբ, ՀՀ մաքսային օրենսգրքի 196-րդ, 197-րդ և 198-րդ հոդվածների հատկանիշներով, կազմվել է մաքսային կանոնների խախտման վերաբերյալ արձանագրություն:

Վարչական վարույթի շրջանակներում Սաջադ Մեիրաբի Սաատլուն բացատրություններ է տվել այն մասին, որ <<INTERNATIONAL>> մականիշի, թիվ 25A649-10/25A650-10 հաշվառման համարինիշի բեռնատար ավտոմեքենայով 2021 թվականի սեպտեմբերին Իրաքի Հանրապետության Արբիլ քաղաքից բեռնել է 25820 կգ բիտում և ուղևորվել ՀՀ, վերոնշյալ բիտումը հայկական <<Կրիստալ>> ՍՊ ընկերությանն առաքելու համար: 2021 թվականի սեպտեմբերի 13-ին հասել է Մեղրիի մաքսային կետ-բաժին, որտեղ 13.09.2021թ. լրացվել է թիվ 05100041/130921/0033955 տարանցման հայտարարագիրը, նշանակման մաքսային մարմին ընտրվել է Երևանում գտնվող <<Ապավեն Տերմինալ>> մաքսային պահեստը: Հայտնել է, որ 2021 թվականի սեպտեմբերի 21-ին Երևան հասնելուն պես զանգահարել է <<Կրիստալ>> ՍՊ ընկերության տնօրեն Ռոմային, ով ասել է, որ կապվի Արամի հետ: Արամը իրեն ուղեկցել է Չարբախ թաղամասում գտնվող <<Ուրբան>> մաքսային պահեստ, որտեղ կշռվել է բեռը, անուիտև ասել է, որ հետևեն <<Toyota camry>> մականիշի ավտոմեքենային և բիտումը բեռնաթափեն այդ մեքենայի վարորդի նշած վայրում, ինչից հետո հետևելով <<Toyota camry>> մականիշի ավտոմեքենային գնացել են ք.Երևան, Իսակովի պողոտա, մուտք գործել ինչվոր տարածք, որտեղ հանել է մաքսային պահովման միջոցները, ինչից հետո բեռնաթափել են բիտումը:

Վարչական վարույթի շրջանակներում <<Կրիստալ>> ՍՊ ընկերության տնօրեն Ռոմա Կարապետյանը բացատրություն է տվել այն մասին, որ <<Վիկան>> ՍՊ ընկերության համար պետք է ներմուծվեր 9 բեռնատար նավթային բիտում: Արամ Սողոյանի հետ, ով հանդիսանում է <<Վիկան>> ՍՊ ընկերության մաքսային ձևակերպումների մասնագետը, մշտապես կապի մեջ է եղել և վերջինիս հայտնել է, որ բիտում տեղափոխող վարորդները հասել են ՀՀ, տվել է նրանց հեռախոսահամարները և հայտնել, որ կարող է կապվել վարորդների հետ և անհրաժեշտ վայրում բեռնաթափել ապրանքները: ՀՀ տեղափոխված բիտումի մի մասը սահմանված կարգով հասել են նշանակման վայր, որից հետո բեռնատարների վարորդներին հրահանգել է Արամի հետ կապի մեջ լինել և նրա նշած հասցեներ տեղափոխել բեռնատարները և դրանք բեռնաթափել: Վարորդները միմյանց հետ կապվել են և միմյանց փոխանցել իր ցուցումները և թյուրիմացաբար թվով 3 բեռնատարը, այդ թվում <<INTERNATIONAL>> մակնիշի թիվ 25A649-10/25A650-10 հաշվառման համարանիշի բեռնատարը, չի հասել <<Ապավեն տերմինալ>> ՓԲ ընկերության տարածք այլ միանգամից արդեն իր համաձայնությամբ բիտումը տեղափոխվել է արամի նշած վայր: Նշել է, որ Արամի և վարորդների պնդումները առա այն, որ իր ցուցումով և իր գիտությամբ է կատարվել նշված բեռնատարի բեռնաթափումը և նավթային բիտումի հանձնումը ճիշտ են, քանի որ ինքը Արամի հետ պայմանավորվել է, որ նա պետք է կապվի բեռնատարների վարորդների հետ և անհրաժեշտ հասցեներում բեռնաթափվեն ապրանքները: Հայտնել է, որ խախտումը տեղի է ունեցել թյուրիմացության պատճառով:

ԵԱՏՄ մաքսային օրենսգրքի 2-րդ հոդվածի 26-րդ կետի համաձայն՝ «փոխադրող» անձ, որն իրականացնում է ապրանքների և (կամ) ուղևորների փոխադրում (տրանսպորտային փոխադրում) Միության մաքսային սահմանով և (կամ) մաքսային հսկողության տակ գտնվող ապրանքների փոխադրում (տրանսպորտային փոխադրում) Միության մաքսային տարածքով:

ԵԱՏՄ մաքսային օրենսգրքի 150-րդ հոդվածի համաձայն՝ «Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձեւակերպված ապրանքների հայտարարատուն լինելու հանգամանքից՝ բացառությամբ սույն հոդվածի 2-րդ կետում նշված դեպքի, պարտավոր է ապահովել ապրանքների, մաքսային կապարակնիքների եւ կնիքների, կամ նույնականացման այլ միջոցների պահպանվածությունը, եթե այդպիսիք կիրառվել են, առանց մաքսային մարմինների թույլտվության՝ թույլ չտալ «մաքսային տարանցում» մաքսային ընթացակարգին համապատասխան փոխադրվող (տրանսպորտով փոխադրվող) ապրանքների բեռնաթափումը, փոխաբեռնումը (վերաբեռնումը) եւ ապրանքների հետ այլ բեռնային գործողությունների կատարումը:

ՀՀ մաքսային օրենսգրքի 196-րդ հոդվածի համաձայն՝ մաքսային մարմնի կողմից դրված կապարակնիքները կամ ապահովության այլ միջոցները վնասելը կամ կորցնելը՝ առաջացնում է տուգանքի նշանակում՝ 200,000 դրամի չափով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Սաջջադ Մեհրաբի Սաատլուին 2022թ-ի փետրվարի 2-ին հրավիրվել է ՀՀ ՊԵԿ հրավաբանական վարչություն՝ իր նկատմամբ սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության:

Այսպիսով, գործի նյութերով պարզվել է, որ թիվ 05100041/130921/0033955 տարանցման հայտարարագրով ՀՀ Կրիստալ >> ՍՊ ընկերության անվամբ ՀՀ ներմուծված 25820 կգ քաշով նավթային բիտումը տեղափոխող <<INTERNATIONAL>> մակնիշի թիվ 25A649-10/25A650-10 հաշվառման համարանիշի բեռնատարի վրա դրված մաքսային ապահովման միջոցները նույն բեռնատարի վարորդ Սաջջադ Մեհրաբի Սաատլուն առանց մաքսային մարմնի թույլտվության վնասել է, այսինքն՝ վերջինս թույլ է տվել ՀՀ մաքսային օրենսգրքի 196-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման արձանագրությամբ, թիվ 05100041/130921/0033955 տարանցման հայտարարագրով, Սաջջադ Մեհրաբի Սաատլուի, Արամ Սողոյանի և Ռոմա Կարապետյանի բացատրություններով:

Վերոգրյալի հիման վրա և ղեկավարվելով ՀՀ մաքսային օրենսգրքի 196-րդ, 206-րդ և 221-րդ հոդվածներով,

Ո Ր Ո Շ Ե Ց Ի

1. Սաջջադ Մեհրաբի Սաատլուին (անձնագիր R53781883, հասցե՝ ԻԻՀ, ք. Ուրմիա, Ալամե Մեջլեսի փող 43-րդ նրբ 24 տուն) ճանաչել զանցառու՝ ՀՀ մաքսային օրենսգրքի 196-րդ հոդվածով՝ տուգանելով 200000 ՀՀ դրամ:

/վճարումը՝ 900005024055 հաշվեհամարին կող 19%:

2. Որոշման մասին հայտնել Սաջջադ Մեհրաբի Սաատլուն՝ պարզաբանելով, որ ՀՀ Մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ Մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ Վարչական դատարան երկու ամսվա ընթացքում

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

ԱՐՄԱՆ ՄՆԱՑԱԿԱՆՅԱՆ